

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina IV - Broj 39

Srijeda, 25. oktobra/listopada 1995.
SARAJEVOAkontacija pretplate
se utvrđuje
kvartalno

466

Na osnovu člana 5h. stav 4. Zakona o penzijskom i invalidskom osiguranju ("Službeni list RBiH", br. 16/92, 8/93 i 13/94), ministar za izbjeglice i socijalnu politiku, u saradnji sa ministrom odbrane, donosi

UPUTSTVO

O DOPUNI UPUTSTVA O KRITERIJUMIMA ZA
BLIŽE ODREĐIVANJE VREMENA KOJE SE RAČUNA
U PENZIJSKI STAŽ KAO POSEBAN STAŽ U
DVOSTRUKOM TRAJANJU ZA VRIJEME RATA ILI U
SLUČAJU NEPOSREDNE RATNE OPASNOSTI

1. U Uputstvu o kriterijumima za bliže određivanje vremena koje se računa u penzijski staž kao poseban staž u dvostrukom trajanju za vrijeme rata ili u slučaju neposredne ratne opasnosti ("Službeni list RBiH", broj 26/95) u tački 5. na kraju teksta briše se tačka i dodaju riječi: "ili prestanka svojstva pripadnika oružanih snaga."

2. Ovo uputstvo stupa na snagu narednog dana od dana objavljivanja u "Službenom listu RBiH".

Broj 06-181-4741/95

21. oktobra 1995. godine
SarajevoMinistar
Muharem Cero, s. r.

467

Na osnovu člana 124. st. 2. i 5. Zakona o državnoj upravi - Novi prečišćeni tekst ("Službeni list RBiH", broj 26/93) u vezi sa članom 14. Zakona o humanitarnoj pomoći ("Službeni list RBiH", br. 8/94 i 13/94), ministar za izbjeglice i socijalnu politiku, donosi

UPUTSTVO

O IZDAVANJU AUTORIZACIJE I NOTIFIKACIJE ZA
PROLAZ ROBA HUMANITARNOG PORIJEKLA U
REPUBLIKU BOSNU I HERCEGOVINU

1. Ovim uputstvom uređuju se uslovi i postupak izdavanja autorizacije i notifikacije za prolaz roba humanitarnog porijekla u Republiku Bosnu i Hercegovinu, uključujući i prolaz roba

humanitarnog porijekla koje u Republiku Bosnu i Hercegovinu ulaze preko područja koja se nalaze pod privremenom okupacijom bosanskih Srba, na osnovu čega se vrši evidentiranje humanitarne pomoći, koja dolazi u Republiku Bosnu i Hercegovinu od strane Ministarstva za izbjeglice i socijalnu politiku - Predstavništva Republike Bosne i Hercegovine za humanitarnu pomoć u Republici Hrvatskoj (u daljem tekstu: Predstavništvo RBiH).

2. Humanitarne organizacije za svaki konvoj humanitarne pomoći dužne su dostaviti zahtjev za autorizaciju na Obrascu broj 1. Predstavništvu RBiH.

3. Predstavništvo RBiH dužno je odgovoriti na zahtjev iz tačke 2. ovog uputstva, u roku od tri dana od dana podnošenja zahtjeva.

4. Humanitarne organizacije koje su potpisale protokol o saradnji sa Vladom Republike Bosne i Hercegovine ili Ministarstvom za izbjeglice i socijalnu politiku ne pribavljaju autorizaciju u skladu sa ovim uputstvom, nego notifikaciju koju izdaje Predstavništvo RBiH na Obrascu broj 5.

5. Uz zahtjev za autorizaciju humanitarne organizacije, koje nisu registrovane u Republici Bosni i Hercegovini, dužne su podnijeti i izjavu o donaciji na Obrascu broj 3.

Humanitarne organizacije iz stava 1. ove tačke dužne su uputiti humanitarnu pomoć u distributivni logistički centar koji ima sjedište na području za koje je namijenjena donacija.

6. Humanitarne organizacije, po izvršenom transportu humanitarne pomoći, popunjavaju izjavu na Obrascu broj 4.

Izjava iz stava 1. ove tačke služi kao dokaz da je humanitarna pomoć predata distributivnom logističkom centru, a ovjerava je direktor distributivnog logističkog centra.

7. Humanitarne organizacije kod podnošenja svakog novog zahtjeva dužne su predati Predstavništvu RBiH ovjerenu izjavu, u skladu sa tačkom 6. stav 2. ovog uputstva.

8. Obrasci propisani ovim uputstvom sastavni su njegov dio.

9. Ovo uputstvo stupa na snagu osmog dana od dana objavljivanja u "Službenom listu RBiH".

Broj 03-81/95

16. oktobra 1995. godine
SarajevoMinistar
Muharem Cero, s. r.

REPUBLIKA BOSNA I HERCEGOVINA
Ministarstvo za izbjeglice i socijalnu politiku

Predstavništvo RBiH za humanitarnu pomoć u Republici Hrvatskoj

AUTHORIZATION - AUTORIZACIJA

CONVOY PLAN - PLAN KONVOJA

Organizacija/Organization	Datum / Date	Broj / Reference
---------------------------	--------------	------------------

Vozila u konvoju / Truck & vehicles in the convoy

Kamioni i osobna / Trucks & vehicles	Vozač(i) / Drivers / Passengers	Opis / Description of goods	Vrijeme i mjesto utovara / Time and place of loading

Plan putovanja / Route plan

Datum / Date	Vrijeme / Time	Mjesto / Place	Smjer kretanja / Direction of movement
Napomena / Remarks			Potpis / Signature

FOR OFFICIAL USE ONLY

Vlada Republike Bosne i Hercegovine pravilno je izvještena o ovoj pošiljci i saglasna je za njen prolazak.

(This consignment has been duly notified to the Government of the Republic Bosnia and Herzegovina and its passage has been approved).

Štambilj i potpis / Stamp and signature

AUTHORIZATION NO:		Datum / Date:	
-------------------	--	---------------	--

Obrazac broj 2.

(IME DONATORA)

VLADI REPUBLIKE/FEDERACIJE BOSNE I HERCEGOVINE,
MINISTARSTVO ZA IZBJEGLICE I SOCIJALNU POLITIKU,
UREDU ZA HUMANITARNU POMOĆ

IZJAVA

POD PUNOM MATERIJALNOM I CJELOKUPNOM ODGOVORNOŠĆU, JA OVIM IZJAVLJUJEM DA
JE SPOMENUTA ROBA HUMANITARNA POMOĆ KOJA ĆE BITI DISTRIBUIRANA KRAJNJEM
KORISNIKU BEZ NAPLATE I DISKRIMINACIJE.

U IME DONATORA

(IME DONATORA)

DONACIJA

VLADI REPUBLIKE/FEDERACIJE BOSNE I HERCEGOVINE,
MINISTARSTVU ZA IZBJEGLICE I SOCIJALNU POLITIKU,
UREDU ZA HUMANITARNU POMOĆ

AKO BI OVA DONACIJA TREBALA BITI DIREKTNO UPUĆENA, NAVESTI IME DISTRIBUTIVNOG
LOGISTIČKOG CENTRA U REPUBLICI BOSNI I HERCEGOVINI

OVA DONACIJA SADRŽI SLJEDEĆE (DETALJNO SPECIFIRANA):

UKUPAN IZNOS HUMANITARNE POMOĆI OVE DONACIJE JE _____ DM.

SVE TROŠKOVE TRANSPORTA, TOVARA I PRETOVARA, UTOVARA I ISTOVARA I OSTALE TROŠKOVE
DO DOLASKA U DISTRIBUTIVNI LOGISTIČKI CENTAR BOSNE I HERCEGOVINE, ČE PLATITI DONATOR.

IME VOZAČA: _____

BROJ PASOŠA: _____

REGISTARSKE TABLICE KAMIONA: _____

DONATOR: _____

Obrazac broj 4.

(IME DONATORA)

VLADI REPUBLIKE/FEDERACIJE BOSNE I HERCEGOVINE,
MINISTARSTVU ZA IZBJEGLICE I SOCIJALNU POLITIKU,
UREDU ZA HUMANITARNU POMOĆ

IZJAVA

UZ PUNU MATERIJALNU I KRIVIČNU ODGOVORNOST IZJAVLJUJEM DA JE ROBA DAROVANA DAROVNICOM
BROJ _____ OD DANA _____

HUMANITARNA POMOĆ KOJA ĆE SE KRAJNJEM KORISNIKU DISTRIBUIRATI BEZ NAKNADE I
DISKRIMINACIJE.

OBAVEZUJEMO SE DA ĆEMO NAKON ULASKA NAŠE HUMANITARNE POMOĆI U R/F BOSNU I HERCEGOVINU
PRIJE POKRETANJA CARINSKOG POSTUPKA JAVITI SE DLC-u NA ČIJEM PODRUČJU SE NALAZIMO.

OBAVEZUJEMO SE DA ĆEMO PO ZAVRŠENOJ DISTRIBUCIJI HUMANITARNE POMOĆI DOSTAVITI FDLC-u
I OVOM PREDSTAVNIŠTVU OVJERENE DOKUMENTE O PRIJEMU HUMANITARNE POMOĆI OD KRAJNJEG
KORISNIKA U ROKU OD 15 DANA OD CARINJENJA ROBE.

Datum: _____

Za donatora:
_____OVJERAVA DIREKTOR DLC - a:
_____KRAJNJI PRIMALAC:

(potpis i pečat)

broj 5.

Po izvršenom sravnjivanju sa izvornim tekstom, utvrđeno je da su se u Zakonu o izmjenama i dopunama Zakona o prevozu u drumskom saobraćaju objavljenom u "Službenom listu RBiH", broj 33/95, potkrale niže navedene greške, pa se daje

ISPRAVKA

ZAKONA O IZMJENAMA I DOPUNAMA ZAKONA O PREVOZU U DRUMSKOM SAOBRAĆAJU

1. U članu 19, u stavu 1. u prvom redu umjesto riječi "prevoz" treba da stoji riječ "prevoza".

2. U članu 20, u stavu 1. u četvrtom redu umjesto riječi "opštinski" treba da stoji riječ "republički", a na kraju teksta iza zgrade treba brisati tačku i dodati riječ: "i opštinski organ uprave preko opštinskog inspektora za drumski saobraćaj (u daljem tekstu: opštinski inspektor)." U istom članu stav 3. treba brisati.

3. U članu 30, riječi "Član 65a" treba brisati.

PR broj 1827/95

Generalni sekretar

12. oktobra 1995. godine
Sarajevo

Skupštine RBiH,
Avdo Čampara, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 1, člana 395. stav 4. Ustava Republike Bosne i Hercegovine i člana 72. tačka 2. Poslovnika Ustavnog suda Bosne i Hercegovine, na sjednici održanoj 18. 9. 1995. godine, donio je

ODLUKU

Utvrđuje se da odredba člana 195. b. stav 1. Zakona o porezima građana ("Službeni list SR BiH", br. 39/84, 8/85, 45/86, 14/88, 20/90 i 8/91 - Prečišćeni tekst 18/91 i "Službeni list RBiH", br. 25/94 i 33/94) prestaje da važi.

Ova odluka objavit će se u "Službenom listu RBiH".

Obrazloženje

Ustavni sud Bosne i Hercegovine, Odlukom U broj 33/94 od 9. 2. 1995. godine ("Službeni list RBiH", broj 6/95) utvrdio je da odredba člana 195. b. stav 1. Zakona o porezima građana nije u saglasnosti sa Ustavom Republike Bosne i Hercegovine.

Odluka je 22. 2. 1995. godine dostavljena Skupštini Republike Bosne i Hercegovine, od kada je u smislu stava 2. člana 395. Ustava Republike Bosne i Hercegovine, počeo teći rok od 6 mjeseci za usklađivanje osporene odredbe Zakona sa Ustavom.

Skupština Republike Bosne i Hercegovine u Ustavom utvrđenom roku nije uskladila odredbu člana 195. b. stav 1. sa Ustavom, pa je Ustavni sud, saglasno članu 395. stav 4. Ustava Republike Bosne i Hercegovine, donio odluku kao u dispozitivu.

Odluka U broj 33/94
18. septembra 1995. godine
Sarajevo

Prava i dužnosti predsjednika
Ustavnog suda BiH vrši sudija,
prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 3. Ustava Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine, na sjednici održanoj 18. 9. 1995. godine, donio je

ODLUKU

Ukida se Zaključak Central banke d. d. Sarajevo, broj I-sl, od 29. 5. 1994. godine, o upotrebi sefova na osnovu punomoći koju izdaju korisnici sefova nastanjeni van teritorije pod kontrolom legalnih organa vlasti Republike Bosne i Hercegovine.

Ova odluka objavit će se u "Službenom listu RBiH".

Obrazloženje

Rješenjem Ustavnog suda Bosne i Hercegovine, od 29. 5. 1995. godine, pokrenut je postupak za ocjenjivanje ustavnosti i zakonitosti Zaključka Central banke d. d. Sarajevo, od 29. 5. 1994. godine. Ovim zaključkom obustavlja se, do okončanja rata, upotreba sefova na osnovu punomoći koje izdaju korisnici sefova nastanjeni van teritorije pod kontrolom legalnih organa vlasti Republike Bosne i Hercegovine.

Ustavni sud je pokretanjem postupka izrazio sumnju u ustavnost i zakonitost Zaključka zbog toga što uređuje pitanja iz oblasti obligacionih odnosa za čije uređivanje su ovlašteni organi Republike.

U odgovoru Central banke d. d. Sarajevo navodi se da osporeni zaključak nije opći akt jer ga je donio kolegij koji je stručno i savjetodavno tijelo generalnog direktora banke, da je Statutom banke, koji je bio na snazi u vrijeme donošenja Zaključka, propisano da opće akte donosi Skupština Banke i Upravni odbor, te da isti i po svojoj sadržini nema karakter općeg akta.

Ustavni sud je utvrdio da Zaključak ima karakter općeg akta, jer na opći način uređuje određene društvene odnose i kao takav proizvodi pravne efekte. Zaključak je potpisao generalni direktor Banke, koji je po Statutu Central banke d. d. Sarajevo, od 13. januara 1995. godine, ovlašten za donošenje općeg akta.

Prema Ustavu Republike Bosne i Hercegovine, Republika preko republičkih organa, u okviru svojih prava i dužnosti utvrđenih Ustavom, uređuje obligacione odnose (član 304. stav 1. tačka 6. Ustava Republike Bosne i Hercegovine i člana 3. Zakona o provođenju Odluke republičkog referenduma, u vezi sa članom 152. Ustava Republike Bosne i Hercegovine). Amandmanom LXXI tačka 4. alineja 2. na Ustav Republike Bosne i Hercegovine propisano je da obligacione odnose zakonom uređuje Skupština Republike Bosne i Hercegovine.

Zakonom o obligacionim odnosima ("Službeni list RBiH", br. 2/92, 13/93 i 13/94), propisano je da se ugovorom o sefu, banka obavezuje da stavi na upotrebu korisniku sef za određeni period vremena, korisnik se obavezuje da za to plati određenu naknadu, a banka mora preuzeti sve potrebne mjere da obezbijedi dobro stanje sefa i nadzor nad njim (član 1061.). Pristup sefu može se dozvoliti samo korisniku ili njegovom punomoćniku, a banka ne smije držati kod sebe duplikat ključa ili ključeva koji se predaju korisniku (član 1062.).

Istim zakonom je propisano da je punomoćje ovlaštenje za zastupanje koje vlastodavac pravnim poslom daje punomoćniku, postojanje i oblik punomoćja su nezavisni od pravnog odnosa na čijoj je podlozi punomoćje dato, a punomoćnik može biti i pravno lice (član 89.). Forma propisana zakonom za neki ugovor ili koji drugi pravni posao važi i za punomoćje za zaključivanje tog ugovora odnosno za preduzimanje tog posla (član 90.), a punomoćnik može preduzeti samo one pravne poslove za čije je preduzimanje ovlašten (član 91.).

Polazeći od navedenih ustavnih odredaba Ustavni sud je ocijenio da Banka nije ovlaštena da svojim opštim aktom utvrdi da se obustavlja upotreba sefova po osnovu punomoći koje izdaju korisnici sefova nastanjeni van teritorije pod kontrolom legalnih organa vlasti Republike Bosne i Hercegovine do okončanja rata, jer se radi o pitanjima iz oblasti obligacionih odnosa za čije uređivanje su ovlašteni organi Republike. Stoga, po ocjeni Ustavnog suda, Zaključak nije u saglasnosti sa Ustavom.

Odluka U broj 3/95
18. septembra 1995. godine
Sarajevo

Prava i dužnosti predsjednika
Ustavnog suda BiH vrši sudija,
prof. dr Ismet Dautbašić, s. r.

SLUŽBENE OBJAVE

PROGLAŠENJE UMRILIM

Osnovni sud I u Sarajevu u vanparničnom postupku dokazivanja smrti, a po prijedlogu Šahmadija Mustafe, na osnovu čl. 62. i 65. Zakona o vanparničnom postupku, izdaje

O G L A S

ŠAHMADIJA TAHIR, sin Ahmeta rođen 8. 5. 1927. g. na Palama sa posljednjim prebivalištem u Žepi, umro dana 24. 3. 1995. g.

Poziva se Šahmadija Tahir i svako drugo lice koje bilo šta zna o životu i smrti Šahmadija Tahira da se javi ovome sudu u roku 15 dana od dana objavljivanja oglasa.

Po proteku roka od 15 dana sud će donijeti odluku po prijedlogu za dokazivanje smrti. (so-748/95)

Osnovni sud II Sarajevo, Odjeljenje Iliidža i to sudija pojedinač Kadrić Jasminka u vanparničnom predmetu u postupku predlagatelja Kadrić Muje iz Sokolovića ul. Bjelašnička 227, SO Iliidža radi utvrđivanja smrti na osnovu čl. 62. i 65. Zakona o vanparničnom postupku RBiH, izdaje

O G L A S

KADIĆ ALIJA, sin Muje rođen 1952. god. u mjestu Bašci SO Trnovo, neoženjen, navodno je umro dana 27. 4. 1995. god. u Zavodu za liječenje i rehabilitaciju hroničnih duševnih bolesnika "Jakeš" u Modriči.

Poziva se Kadić Alija i svako drugo lice koje bilo šta zna o njegovoj smrti i njegovom životu da u roku od 30 dana od objavljivanja oglasa u "Službenom listu RBiH" javi Osnovnom sudu II Sarajevo, Odjeljenje Iliidža.

Po proteku roka od 30 dana sud će donijeti odluku po prijedlogu za dokazivanje smrti. (so-749/95)

Osnovni sud II Sarajevo i to sudija Aljičević Jasmina u vanparničnom predmetu predlagateljice Mujkić Amele iz Sarajeva, ul. Čobanija broj 2, radi dokazivanja smrti Avdagić Jusufa iz Sarajeva, ul. Lenjinova broj 127b. zastupanom po posebnom staratelju Avdagić Selmi iz Sarajeva na osnovu člana 65. Zakona o vanparničnom postupku RBiH, izdaje slijedeći

O G L A S

AVDAGIĆ JUSUF sin Muharema, rođen 28. 8. 1929. g. u Bosanskom Novom sa posljednjim prebivalištem u Sarajevu, ul. Lenjinova 127-B navodno je poginuo u naselju Grbavica dana 1. 2. 1994. godine.

Poziva se sam Avdagić Jusuf kao i svako drugo lice koje bilo šta zna o njegovom životu ili o njegovoj smrti da se u roku od 30 dana javi Osnovnom sudu II Sarajevo, ul. Senoina broj 1, soba broj 310/III.

Po isteku roka od 30 dana sud će donijeti rješenje po prijedlogu za dokazivanje smrti. (so-746/95)

SADRŽAJ

- 466 Uputstvo o dopuni Uputstva o kriterijumima za bliže određivanje vremena koje se računa u penzijski staž kao poseban staž u dvostrukom trajanju za vrijeme rata ili u slučaju neposredne ratne opasnosti 949
- 467 Uputstvo o izdavanju autorizacije i notifikacije za prolaz roba humanitarnog porijekla u Republiku Bosnu i Hercegovinu 949
- Ispravka Zakona o izmjenama i dopunama Zakona o prevozu u drumskom saobraćaju 955

USTAVNI SUD BOSNE I HERCEGOVINE

- Odluka o utvrđivanju odredbi člana 195b. stav 1. Zakona o porezima građana prestaje da važi 955
- Odluka - Ukida se Zaključak Central banke d. d. Sarajevo, broj I-sl, od 29. 5. 1994. godine, o upotrebi sefova na osnovu punomoći koju izdaju korisnici sefova nastanjeni van teritorije pod kontrolom legalnih organa vlasti Republike Bosne i Hercegovine 955

Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta 21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko poslovanje i računa: 10100-603-639 za devizno poslovanje - Kompjuterska obrada: NIO Službeni list RBiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaju se 20 dana od izlaska lista.

Prema mišljenju Ministarstva obrazovanja, nauke, kulture i sporta broj: 08-114-4/95 od 13. 3. 1995. godine, službeno glasilo smatra se proizvodom iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda, a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe krajnjoj ličnoj potrošnji, te ne podliježe plaćanju poreza na trgovinu na malo.